



Frantzia eta Espainia gatazkan

Gerra luze baterako prestatzen ari da Frantziako Gobernua

Chirac eta Giscardi Iraken egindako politikaz galdegin die Chevènementek

Frantzes politika munduan Iraki buruz garai batean egin zen politikaren inguruan, eztabaida handitzen ari zen atzo, bereziki Chevènement Defentsa Ministroaren hitzekin. Denbora berean, armadako buruzagien deklarazioek baita gobernuko enak ere, Ministroen kontseiluaren ondoren, gerra luze baterako prestatzen ari direla denak argitzen zen.

L.E. / BAIONA

Ministroen Kontseiluan, Chevènementek «oraitik goiti lurreko sistema operatiboa dela» jakinerazi du erakutsiz «orain, nahi duten lekuan, noiz nahi gure tropek ekintzak burutzen ahalko dituzte». Frantzes Jaguarrek bi eraso burutu zituztela atzo goizean, Irakiarren artilleria gune batzuen aurka, Kuwait Citytik hurbil, jakinerazi du Roquegeoffre jeneralak, Golkon dagoen frantzes armadaren buruzagiak, erakutsiz «gatazka luzea» izango dela.

Parisen, Armadako informazio buruzagitzan, Sirpako Germanos jeneralak deklaratu du «potentzia goiti ari gara, infanteria, blindatu arin eta artilleriarekin». AMX 30 B2 tankeak gehitzeko prest daudela eta osasun zerbitzu eta ospitaleak alerta egoeran direla jakinerazi du.

MARTXOAN ARGIAKO IKUSIKO

Europe 1en Chevènementek martxoan arte itxoin beharko dela «argi ikusteko» erran du, gerra luze bat iragarritz. Ez du uste Saddam Hussein Kuwaitetik ateratzeko prest

Intsumiso bat atxilotu du Poliziak

BARCELONA

Astearte goizean Poliziak Sergi Rodríguez Mijpies gazte intsumisoa atxilotu zuen Barcelonako PSCren egoitzan. Astelehenetik 32 intsumiso zeuden entzerratuta alderdi sozialistaren egoitzan eta Polizia sartu zenean gazte guztiak kalera bidali ondoren, Sergi Rodríguez atxilotu zuten, La Modelo gartzelan ingesatuz Kontzientzia Eragozpenaren Mugimenduak (KEM) jakinerazi duenez.

Sergi Rodríguez Roses-en (Girona) jaio zen eta Barcelonan bizi da. Badajoz-en egin zuenez soldadutza, Badajozeko epaileak, bilatu eta atxilotzeko agindua eman zuen bere aurka. KEMek intsumiso horren askatasuna eskatu du eta soldadutzara joan behar duten gazte guztiei intsumiso egin daitezela eskatu die.

denik. Baieztu du ere, Israelen, Ingalaterran, eta gero ta gehiago Estatu Batuetan egiten ari den bezala, Iraken potentzial militarra oso gutxi ukitua izan dela: «artilleri kimiko asko dauka, lurreko fasean oztopo handia ekarriko duena». Jakinerazi du gerra hasiera geroztik frantzes airekoek sei eraso burutu dituztela. Bere ustez «Irakek 500 misila dauka eta 40 baizik ez ditu erabili oraindik» eta airekoei dagokionez «Irakek 17 galdu ditu».

Politika munduan atzo Chevènementek eztabaida piztu zuen, bere politika ikuspegi batzuen aurka azken aste hauetan altxatu ziren RPR eta UDFekoekin. Hauek Ministroaren epeltasun edo dudak salatu zituzten, eta orain errefera bota die. Giscard lehendakari zelarik 74etik goiti eta Chirac Lehen Ministro, hauen politika Irakekin kolaborazio hestu bat izan baitzen, horretaz kondu galde egin nahi die: «ordu da garai hartako kooperazio franko-irakiarraz



Jean-Pierre Chevènement Defentsa ministroa soldadu frantziarrekin. REUTER

azalpenak eman ditzaten, eta nola Chiracek kontratu handi batzu izenpetu zituen, bereziki nuklear mailan, 1975ean».

Ministroak bi politikoen aurka erran du «huts egin dut pentsatu du-

dalarik orduko politikak zer ikusirik bazuela mundu arabeari buruzko ikuspegi batekin, zeren eta uste izan bait dut beren abertzaletasunagatik zela, baina orain ez zutela arrazoina harriturik konturatzen naiz».

Bushek gerra egun bateko kostua eskatu dio Felipe Gonzalezi

MADRIL

George Bush Estatu Batuetako lehendakariak Felipe Gonzalezi laguntza ekonomiko eta logistiko handiagoa eskatu dio gerrarako, telefonoz egindako elkarrizketan. 500 milioi dolar (50.000 milioi peze- ta/2.500 milioi libera) eskatu dizkio- la zabaldu da: gerra egun bat kostatzen dena. Iturri ofiziale informazio hori ezeztatu egin zuten.

Estatu espainiarrak ez dio oraindik erantzun eskaerari, baina printzipioz, estatubatuarren ahaleginaren ordainketan partaide izan nahi du, nahiz eta aipatutako zifra baino txikiagoarekin. James Baker Estatu idazkari estatubatuarrek ministro espainiarren bati azaldu dio estatu industrializatu guztien onerako izango dela erregimen irakiarren desagerpena eta horregatik ordaindu behar dela gerra; estatu guztien artean.

Iparramerikarrek gogoratu dute ekonomia espainiarra Ekialde Hurbileko petrolio inportazioen menpe dagoela eta Saddam Husseinen zabalbundeak mehatxatu egiten dituela errekurtsio horiek.

ALIATUEN LAGUNTZA BEHAR DU

Gastuak ordaintzeko estatu aliatuen laguntza ari dira eskatzen Estatu Batuak, batez ere Golko Perzikora soldadu gutxi bidali dituzten estatuei. Japonian eta Alemanian izan zenean, James Bakerrek dirua lortu zuen. Alemanian bakarrik 320.000 milioi peze- ta lortu zituen. Orain egun gutxi Theo Waigel Eko-

nomia ministro alemanak diru kopuru hori handituko dela ziurtatu zuen bilioi erdi pezetara iritsi arte.

Japoniak ere bilioi erdi pezeta eman dizkio dagoeneko Washington-i eta Ryutaro Hashimoto Hazien- da ministroa bilioi pezeta baino gehiagora iristea konprometitu da. Bi estatu horiek, Espainiak bezala, sinbolikoki hartu dute parte despiege militarrean, beraien Konstituzio- en mugen arabera. Laguntza logistiko, sanitario eta humanitarioa eman dute. Alemaniak bonbaketa- riak bidali ditu Turkiara. Bi estatu horietan eritzi publikoa gerraren aurka dago erabat.

Bushek Gonzalezekin telefonoz izan zuen elkarrizketan «Basamortuko babes» operazioaren berri eman zion, hasierako aurrekontua gaitzidua zegoela esanez. Operazio horretan zirrikiturik ez izateko di- ruaren beharra aipatu zion lehenda- kari amerikarrak espainiarrari, ope- razioa asko luzatzen ari denez.

INFORMAZIOA GEZURTATU EGIN DUTE

Miguel Gil Boze- ramalearen mi- nistraritzako idaz- kariordeak informazio hori gezurta- tu egin zuen. Espainiaren partaidetza bere garaian Europar Elkartearen bi- dez egin zela esan zuen. Bushek Gonzalezi laguntza logistiko gehi- ago eskatu zionik ukatu zuen, «elka- rrizketan Espainiaren jarrera gataz- kan eskertu ziolako».

Europa Mendebaleko Batasunatik Espainia eta Belgikak bakarrik ez dute parte hartu zuzenean ekintza militarretan.

Hildako bat Libanon Banku Frantsesaren kontrako atentatuan

BAIRUT

Pertsona bat hil zen atzo Balbek-en (Libano) Banku Frantsesaren kontra lehegai- luz egindako atentatuan, ber- tako Poliziak adierazi zuenez. Banketxearen atean dinamitz osatutako lehegaiuak ezta- da egin zuenean hil zen zain- dari lanetan ari zen enplegatua, Bairut-etik 84 kilometrotara (ekialderantz) dagoen Baket hirian. Kalte material handiak ere eragin zituen interes fran- tsesen kontra egindako aten- tatu honek. Frantziako Enba- xadako iturriek gezurtatu egin zuten Bairuten duten egoitzak atentatua jasan zuenik.

Bairuteko Banku Saudiarra ere eraso zuten atzo talde ara- biar armatuek. Biktimarik ez zuen eragin baina kalte mate- rialak bai. Banketxeo atean ipinitako dinamitz egin zuten atentatu hau ere. Iraken aurka- ko gerran partehartzen ari di- ren estatuetako interes aurka zuzentzen ari dira ekintzok.



GERRAREN kontrako greba egin zuten ikastetxe espainiar gehienek atzo, Ikasleen Sindikatuak eta beste zenbait taldek deituta. Estatu osoan bi milioi ikaslek grebari jarraitu ziotela adierazi zuten konbokatzaileek. Hiri gehienetan manifestazioak egin ziren gerraren kontra eta insumisioaren alde —Ikasleen Sindikatuak insumisioa aldarrikatzearen kontra agertu bada ere—. Sevillan egindako manifestazioaren une bat isladatzen du EDUARDO ABADek hartutako irudiak. Atzoko grebak ez zuen kasik eraginik izan Euskal Herrian: euskal ikasleek gaur egingo dute Gerraren kontrako eguna.